

अनजिमा गेलेनाय



0674CH03

अनजिमाफोरखौ गुबुन-गुबुन आयदाफोराव आरो जॉनि जिउखौ जथायनो थाखाय गोबां गुबुन गुबुन लामाफोरजों बाहायनाय जायो। जों साननो थाखाय अनजिमाफोरखौ बाहायदों, आरो जॉनि सानफ्रोमबोनि जिउजों सोमोन्दो थानाय जेंनाफोरखौ सुझांनो थाखाय बेफोराव दाजाबदेरनाय, दानख'नाय, सानजाबनाय आरो रात्रायनि गुदि खामानिफोरखौ बाहायदों।

बे आयदायाव, अनजिमाजों गेलेनानै, जॉनि सोरगिदिं अनजिमाफोरखौ नायनानै, महरफोरखौ नोजोर होनानै, आरो अनजिमा आरो खामानिफोरखौ गोदान आदबजों बाहायनो सोलोनानै जों बे दावबायनायखौ सोलिहोबाय थागोन।

☀ जों अनजिमाफोरखौ बाहायनाय बायदि बायदि थासारिनि बादै सान। मोनबा गुबुन गुबुन थासारिफोर फारिलाइ खालाम जेराव अनजिमाफोरखौ बाहायनाय जायो। मा नाय नॉनि थाखोनि लोगोफोरा फारिलाइ खालामदों, रानलायदों आरो सावरायदों।



3.1 अनजिमाफोरा जॉनो बेसादफोरखौ बुंनो होयो

बेफोर अनजिमाफोरा जॉनो मा खोन्थादों?

मोनसे पार्कआव माखासे गथ'फोरा मोनसे सारियाव गसंना दं। साफ्रोमबो मोनसे अनजिमा बुडो।



☀ नों मा सानो बे अनजिमाफोरनि ओंथिया मा?

गथ'फोरा दा गावसोरखौ साजायफिनो, आरो आरोबाव साफ्रोमबो साजायनायनि सायाव बिथा खालामनानै मोनसे अनजिमा बुडो।



बे अनजिमाफोरा माखौ दिन्थियो बेखौ नों दिहुन्नो हादों नामा ?

सुबुरुन: बिसोरनि जौथाया मोनसे गेलेनाय बिफाव लानो हागोन नामा ?

सासे गथ'आ '1' बुडो जुदि बिसोरनि साखाथियाव सासेल' गोजौसिन गथ' गसंना थायो ।

सासे गथ'आ '2' बुडो जुदि बिसोरनि साखाथियाव गसंनाय सानैबो गथ'फोरा गोजौसिन ।

सासे गथ' '0' होनना बुडो, जुदि बिसोरनि साखाथियाव गसंनाय गथ'फोरनि गेजेराव बियो गोजौसिन ।

बेनो जाबाय साफ्रोमबो सुबुडा बुडो दि बिसोरहा गोजौसिन नसुसेफोरनि सुबु अनजिमा दं ।

☀ गाहायाव होनाय सौलुफोरनि फिन्नाय होनो नाजा आरो नौनि जुक्तिखौ फोरमाय ।

1. गथ'फोरा गावसोरखौ साजायफिन्नो हागोन नामा जाहाथे जोबनायाव गसंनाय गथ'फोरा '2' बुंनो हायो ?
2. जों गथ'फोरखौ मोनसे सारियाव साजायनो हागोन नामा जाहाथे बयबो 0एस ल' बुंनो हायो ?
3. साखाथियाव गसंनाय सानै गथ'फोरा एखे अनजिमाखौ बुंनो हागोन नामा ?
4. मोनसे हान्जायाव सा 5 गथ'साफोर थायो, गासैबो गुबुन-गुबुन जौथायनि । बिसोर औरैबादि गसंनो हागोन नामा दि बिसोरनि गेजेराव साब्रैया '1' बुडो आरो जोबथाया '0' बुडो ? मानो एबा मानो जाया ?
5. सा 5 गथ'फोरनि बे हानजानि थाखाय, फारि 1, 1, 1, 1, 1 जाथावना नामा ?
6. फारि 0, 1, 2, 1, 0 आ जाथावना नामा ? मानो एबा मानो जाया ?
7. नों साबा गथ'फोरखौ माबोरै साजायफिनगोन जाहाथे बांसिन अनजिमानि गथ'फोरा '2' बुंनो हायो ?



सानखान्धि
रायज्जाय

3.2 साबना-हामना फिसा खथाफोर

गाहायाव होनाय फारिलाइयाव लिरनाय अनजिमाफोरखौ नाय । माखासे अनजिमाफोरा मानो गाब गोनां ? सावराय ।

43	79	75	63	10	29	28	34
----	----	----	----	----	----	----	----

200	577	626	345	790	694	109	198
-----	-----	-----	-----	-----	-----	-----	-----

मोनसे खथाया गाब गोनां जायो जुदि बेयाव थानाय अनजिमाया बेनि नांजाबनाय खथाफोरनिखुइ देरसिन । 626 अनजिमाया गाबगोनां मानोना बेयो 577 आरो 345 निखुइ देरसिन, जेराव 200 आ गाब गोनां नडा मानोना बेयो 577 निखुइ फिसासिन । अनजिमा 198 आ गाबगोनां मानोना बेयाव 109 जों मोनसेल' नांजाबनाय खथा दं, आरो 198 आ 109 निखुइ देरसिन ।

☀ बेखौ दिहुन

1. गाहायनि फारिलाइयाव थानाय साबना-हामना फिसा खथाफोर फोरखौ गाब हो एबा दागो हो ।

6828	670	9435	3780	3708	7308	8000	5583	52
------	-----	------	------	------	------	------	------	----

2. गाहायाव होनाय फारिलाइखौ मोन 4-अनजिमनि अनजिमाफोरजौल' आबुं खालाम जाहाथे साबना-हामना फिसा खथाफोरा रोखायै गाबगोनां खथाफोर ।

5346		1258			9635	
------	--	------	--	--	------	--

3. गाहायाव होनाय फारिलाइखौ आबुं खालाम जाहाथे जों जेसेबां हायो एसेबां साबना-हामना फिसा खथाफोर मोननो हायो । मावफिनाय गैयाजासे 100 आरो 1000 नि गेजेरनि अनजिमाफोरखौ बाहाय ।

--	--	--	--	--	--	--	--	--

4. मोन 9 अनजिमाफोरनि गेजेराव, गोजौनि फारिलाइयाव मोनबेसे साबना-हामना फिसा खथाफोर दं ?

5. गुबुन-गुबुन अनजिमनि खथाफोरनि थाखाय मोनबेसे साबना-हामना फिसा खथाफोर जाथावना बेखौ नागिर ।

नों माबाफोर महर नुदों नामा ? साबना-हामना फिसा खथाफोरनि बांसिन अनजिमा मोननो थाखाय मोनसे होनाय फारिलाइखौ आबुं खालामनायनि आदबा मा ? नोंनि मावखान्थिखौ नायबिजिर आरो रानलाय ।



6. नों अनजिमाफोरखौ बंफिनालासै मोनसे समायना फिसा खथा मावफारिखौ आबुं खालामनो हागोन नामा जेरै जेबो समायना फिसा खथाफोर गैया? मानो एबा मानो जाया?
7. मोनसे फारियाव बयनिखुइ बांसिन अनजिमा थानाय खथाया जेब्लाबो मोनसे समायना फिसा खथा जागोन नामा? मोनसे फारिलाइयाव बयनिखुइ फिसासिन अनजिमा थानाय खथाया मोनसे समायना फिसा खथा जानो हागोन नामा? मानो एबा मानो जाया?
8. मोनसे फारिलाइखौ आबुं खालाम जाहाथे नैथि बयनिखुइबो देरसिन अनजिमा थानाय खथाया समायना फिसा खथा नडा।
9. मोनसे फारिलाइखौ बेबादि आबुं खालाम दि नैथि बयनिखुइबो देरसिन अनजिमा थानाय खथाया समायना फिसा खथा नडा नाथाय नैथि फिसासिन अनजिमाया मोनसे समायना फिसा खथा। बेयो जाथावना नामा?
10. बे गोनो-गोथोनि गुबुन बायदि रोखोमफोर बानाय आरो नोंनि थाखोनि फरायसाफोरजों फेर फाथिलाय।

नाजा।
बेयो

फै जों समायना फिसा खथाफोर हाबाफारिखौ गोबां सारिफोरजों खालामनि।

बेयाव खाथिनि खथाफोरा बैफोर जाय गोखैनो आखिस,
आगदा, गोजौ आरो गेजेराव।

नेम खान्धिया रोखोमसेयै थाबाय थायो: मोनसे खथाया मोनसे समायना खथाफोर जायो जुदि बेयाव थानाय अनजिमाया बेनि खाथिनि खथाफोरनि गासै अनजिमाफोरनिखुइ बांसिन। फारिलाइ 1, आव 8632 आ गावनि नसुंसेनि 4580, 8280, 4795 आरो 1944 निखुइ बांसिन।

फारिलाइ 1

2430	7500	7350	9870
3115	4795	9124	9230
4580	8632	8280	3446
5785	1944	5805	6034

फारिलाइ 2

	96,301	36,109	
	13,609	60,319	19,306
		60,193	
	10,963		

☀ फारिलाइ 2 खौ 5 अनजिमानि अनजिमाफोरजों आबुं खालाम जायनि अनजिमाफोरा जादों '1', '0', '6', '3' आरो '9'। मोनसे गाबगोनां खथायाल' गावनि नसुंसेनि अनजिमानिफ्राय बांसिन अनजिमा थानांगौ।

फारिलाइनि बयनिखुइबो देरसिन अनजिमाया _____।


फारिलाइयाव बयनिखुइबो फिसासिन जरा' अनजिमाया _____ ।

फारियाव 50,000 नि बांसिन फिसासिन अनजिमाया _____ ।

खेबसे गोजौनि फारिलाइखौ आबुं खालामखांनायनि उनाव, रोजा रोजा अनजिमानि उनाव खम्माखौ साबजाथावै दोन ।



3.3 अनजिमा सारियाव अनजिमानि महरफोर

☀ जों दानिया अनजिमा सारिफोरजों जोबोद मिथिजाबाय । फै जों माखासे अनजिमाफोरखौ अनजिमा सारियाव बिसोरनि थि जायगायाव दोत्रो हायो ना हाया बेखौ नायदिनि । बेयाव अनजिमाफोर दं: 2180, 2754, 1500, 3600, 9950, 9590, 1050, 3050, 5030, 5300 आरो 8400 ।



☀ बेखौ दिहुन

गाहायाव होनाय अनजिमा सारिफोराव सिन होजानाय अनजिमाफोरखौ सिनायथि खालाम आरो आद्रा थानाय जायगाफोरखौ थि जखा खालाम ।



गोजौनि मोनफ्रोम फारियाव बयनिखुइ फिसासिन अनजिमानि सोरगिदिं मोनसे बेंखन आरो बयनिखुइ देरसिन अनजिमानि सोरगिदिं मोनसे बक्स दोन ।

3.4 अनजिमाफोरजों गेलेनाय

जों 1, 2, 3 निफ्राय अनजिमा लिरनो जागायो आरो बायदि बायदि। बेयाव मोनगु 1 अनजिमानि अनजिमाफोर दं।


☀ बेसेबां अनजिमायाव मोननै अनजिमा, मोनथाम अनजिमा, मोनब्रै अनजिमा आरो मोनबा अनजिमा दं बेखौ नागिर।

1-अनजिमानि अनजिमाफोर 1-9 निफ्राय -----	2-अनजिमानि अनजिमाफोर -----	3-अनजिमानि अनजिमाफोर -----	4-अनजिमानि अनजिमाफोर -----	5-अनजिमानि अनजिमाफोर -----
9				

अनजिमानि जथाइ अनजिमा

क'मलआ नोजोर होयो दि जेब्ला बियो माखासे अनजिमानि अनजिमाफोरखौ दाजाबदेरयो अब्ला दाजाबथाइया रोखोमसेयानो।

बिदिन्धि मह्रै, 68 अनजिमानि अनजिमाफोरखौ दाजाबदेरनाया 176 एबा 545 नि अनजिमाफोरखौ दाजाबदेरनायजों रोखोमसे जागोन।



☀ बेखौ दिहुन

1. 14 अनजिमा दाजाबनाय

- गुबुन अनजिमाफोरखौ लिर जायनि अनजिमाया 14 सिम दाजाबदेरगोन।
- बयनिखुइ फिसासिन अनजिमाया मा जायनि अनजिमानि दाजाबथाइया 14?
- बयनिखुइ देरसिन 5 अनजिमाया मा जायनि अनजिमानि दाजाबथाइया 14?
- 14 नि अनजिमानि दाजाबथाइखौ नों बेसेबां गिदिर मह्र अनजिमा बानायनो हागोन? नों आरोबाव गिदिर अनजिमा बानायनो हागोन नामा?

2. 40 निफ्राय 70 सिम गासैबो अनजिमानि दाजाबनाय अनजिमाखौ नागिर। नोंनि नोजोरफोरखौ थाखोआव फोरमायलाय।

3. 3-अनजिमानि दाजाबथाय अनजिमाफोरखौ सान, जायनि अनजिमाया फारियै (बिदिन्धि मह्रै, 345)। नों मोनसे मह्र नुदों नामा? बे मह्रआ सोलिबाय थागोन नामा?

अनजिमा दिहुन्नायफोर

1 निफ्राय 100 सिम अनजिमा लिरखांनायनि उनाव, दिनेसआ गोमोदोंमोन दि बिथाडा '7' अनजिमाखौ बेसेबां खेब लिरदोंमोन!

☀ 1-100 अनजिमाफोरनि गेजेराव, अनजिमा '7' आ बेसेबां खेब जागोन? 1-1000 अनजिमाफोरनि गेजेराव, अनजिमा '7' आ बेसेबां खेब जागोन?



3.5 समायना उल्थायै फरायब्लाबो एखे महरफोर जानाय

बेफोर अनजिमाफोराव नों मा महर नुयो: 66, 848, 575, 797, 1111? बेफोर अनजिमाफोरा आगसिनिफ्राय आगदाथिं आरो आगदानिफ्राय आगसिथिं रोखोमसे फरायजायो। नायनो नाजा। बेबादि अनजिमाफोरखौ उल्थायै फरायब्लाबो एखे जानायफोर एबा पेलिंडूमिक अनजिमाफोर बुंनाय जायो।

1, 2, 3 बाहायनानै गासैबो उल्थायै फरायब्लाबो एखे जानायफोर

अनजिमा 121, 313, 222 आ '1', '2', '3' अनजिमाफोरखौ बाहायनानै उल्थायै फरायब्लाबो एखे जानाय माखासे बिदिन्थिफोर।

☀ बेफोर अनजिमाफोरखौ बाहायनानै गासैबो जाथावना 3-अनजिमा उल्थायै फरायब्लाबो एखे जानायखौ लिर।

उल्था-आरो-दाजाबदेरनाय उल्थायै फरायब्लाबो एखे जानायफोर

दानिया बेफोर दाजाबदेरनायफोरखौ नाय। मा जागासिनो दं बेखौ मिथिनो नाजा।

उनसंनो गोनां राहाफोर: मोनसे 2 अनजिमानि अनजिमाजों जागायजेन। बे अनजिमाखौ बिनि उल्थायै दाजाबदेर। जुदि नों उल्थायै फरायब्लाबो एखे जानाय मोनोब्ला थाथ' एबा अनजिमाफोरखौ सोलायनाय आरो दाजाबदेरनायनि बाहागोफोरखौ खालामफिन।

माखासे गुबुन अनजिमाफोरनि थाखाय रोखोमसे आदबखौ नाजा, आरो रोखोमसे बाहागोफोरखौ मावफुं। जुदि

34	29	48	76
43	92	84	67
77	121	132	143
		231	341
		363	484

नों उलथायै फरायब्लाबो एखे जानाय मोनोब्ला बन्द' खालाम । बेबादि अनजिमाफोर दं जायनि थाखाय नों बेखौ गोबां खेब बुंफिन्नो गोनां जायो ।

बेबादि अनजिमाफोर दं नामा जायनि थाखाय नों उलथायै फरायब्लाबो एखे जानाय सिम सौहैया ?

☀ नायबिजिर

मोनसे 2-अनजिमानि अनजिमाजों जागायजेन्नानै खनले-खनले अनजिमाफोरखौ सोलायनाय आरो दाजाबदेरनाया जेब्लाबो मोनसे उलथायै फरायब्लाबो एखे जानाय होगोन नामा? नायबिजिर आरो दिहुन ।

सानखान्धि
रायज्जायनाय

☀ गोमोनाय सम

टि टि एस टि एस एस टि इउ

अनजिमाखौ सोदोबफोराव लिर:

आं सासे 5 अनजिमानि उलथायै फरायब्लाबो एखे जानाय ।

आं मोनसे बेजरा अनजिमा ।

आंनि 'टि' अनजिमाया आंनि 'इउ' अनजिमानि नैगुन ।


आंनि 'एस' अनजिमाया आंनि 'टि' अनजिमानि नैगुन ।

आं सोर? _____

3.6 काप्रेकारनि जादु अनजिमा

डी.आर.काफ्रेखारआ देभलाली, महाराष्ट्रनि गंसे सोरखारि फरायसालियाव सानखान्धिनि फोरोंगिरिमोन । बिथाडा अनजिमाफोरजों गेलेनायखौ जोबोद मोजां मोनो आरो अनजिमायाव गोबां समायना महरफोर मोन्दोंमोन जाय सिगाडाव मिथिजायामोन ।


इं 1949 माइथायाव, बिथाडा जेब्ला 4-अनजिमानि अनजिमाफोरजों गेलेयो बे समाव मोनसे मुहिथाव आरो जादुआरि जाथाय नागिरना दिहुनदोंमोन ।



*फिननाया जाबाय नंगौ! 3 अनजिमानि अनजिमाफोरनि थाखाय फिन्नायखौ मिथिनाय जायाखै । बेखौ सन्देह खालामनाय जायो दि 196 जों जागायजेन्नाया मब्लाबो उलथायै

फरायब्लाबो एखे जानाय नुहोआ!

बेफोर मावथायफोरखौ मानि आरो गावनि थाखाय जादुखौ मोनदांथि! बाडायसिनाव मोननै गुबुन-गुबुन अनजिमा थानाय जायखिजाया 4-अनजिमानि अनजिमाखौ सायख', 6382 बुं।



जों जुदि बेबादि खालामबाय थायो अब्ला मा जागोन?

क = 8632	क = 6642	क = 7641	क =
ख = 2368	ख = 2466	ख = 1467	ख =
ग = 8632-2368	ग = 6642-2466	ग = 7641-1467	ग =
= 6264	= 4176	= 6174	

नायबिजिर

गुबुन-गुबुन 4-अनजिमानि अनजिमाफोरखौ ला आरो बेफोर मावथायफोरखौ मावफुनो नाजा। मा जायो बेखौ दिहुन। नोंनि लोगोफोरजों नायफाम दि बिसोरो मा मोनदों।

नों जेब्लाबो मेजिक नम्बर '6174' सिम सौहैगोन! '6174' अनजिमाखौ आथिखालाव 'काप्रेखार सोलायनाय गैयै' बुंनाय जायो।

माखासे 3-अनजिमानि अनजिमाफोरजों बे रोखोमसे मावथायफोरखौ मावफुं। मा अनजिमाया जाफिनगोन?

3.7 घड़ी आरो केलेन्दार अनजिमाफोर

सरासनसा 12 घन्टानि घरियाव, बेफोराव गुबुन गुबुन महरफोजों समफोर थायो । बिदिन्धि महरै, 4:44, 10:10, 12:21 ।

☀ बेफोर मोनफ्रोमबो रोखोमनि 12 घन्टानि घरियाव गासैबो जाथावना समफोरखौ मिथिनो नाजा ।

मनिसनि जोनोम सान 20/12/2012 आव दं जेराव अनजिमा '2', '0', '1' आरो '2' आ बै फारियाव जाफिनो ।



☀ बे फर्मनि सिगांनि माखासे गुबुन खालारफोरखौ नागिर ।

बिनि बिनानाव मेगानानि जोनोम 11/02/2011 सानआव जेराव अनजिमाफोरा आगसिनिफ्राय आगदाथिं आरो आगदानिफ्राय आगसिथिं रोखोमसे फराययो ।

☀ बे फर्मनि गासैबो जाथावना खालारफोरखौ सिगांनिफ्राय नागिर ।

जीबनआ बे बोसोरनि केलेन्दारखौ नायगासिनो दंमोन । बियो गोमोनो हमदोंमोन, “जों बोसोरफ्रोमबो केलेन्दारखौ मानो सोलायनांगौ? जों केलेन्दार खौ बाहायफिन्नो हाया नामा? नों मा सानो?

नों नुबाय जानो हागौ दि थांनाय बोसोरनि केलेन्दारा बे बोसोरनिखुइ गुबुनमोन । बेजों लोगोसे, फैगौ बोसोरनि केलेन्दाराबो सिगांनि बोसोरफोरनिफ्राय गुबुन जागोन ।

☀ नाथाय, माखासे बोसोरनि उनाव जायखिजाया बोसोरनि केलेन्दारा फिन जाफिनगोन नामा? बोसोरसेनि गासैबो खालारफोर आरो सानफोरा गुबुन बोसोरजों रोखोमसे गोरोबगोन नामा?



☀ बेखौ दिहुन


1. प्रतिभाया '4', '7', '3' आरो '2' अनजिमाफोरखौ बाहायो, आरो बेफोरजों फिसासिन आरो बयनिखुइबो देरसिन 4-अनजिमानि अनजिमा बानायो: 2347 आरो 7432 । बे मोत्रै अनजिमानि फारागथिया जादों $7432 - 2347 = 5085$ । बे मोत्रै अनजिमानि दाजाबथाइया 9779 । बानायनो थाखाय मोन 4 - अनजिमाफोरखौ सायख':

क. 5085 निखुइ देरसिन आरो फिसासिन अनजिमा गेजेरनि फारागथि ।

- ख. 5085 बाडायसिननि देरसिन आरो फिसासिन अनजिमा गेजेरनि फारागथि ।
 ग. 9779 निखुइ देरसिननि, देरसिन आरो फिसासिन अनजिमानि दाजाबनाय ।
 घ. 9779 निखुइ फिसासिननि, देरसिन आरो फिसासिन अनजिमानि दाजाबनाय ।
2. बयनिखुइ फिसासिन आरो देरसिन 5-अनजिमा उलथायै फरायब्लाबो एखे जानायनि दाजाबथाइया बेसेबां? बिसोरनि फारागथिया मा?
 3. दानि समा 10:01 । घरिआ फैगौ उलथायै फरायब्लाबो एखे जानाय समखौ बेसेबां मिनिट दिन्धिगोन? बिनि उनाव मोनसेनि सोमोन्दै मा?
 4. काप्रेखार सोलायनाय गैयैसिम सौहैनो 5683 अनजिमाया बेसेबां गिदिंनो हमो?

3.8 मेलेमारि सानखान्थि

गाहायनि सावगारिखौ नाय । नों बोनाय अनजिमाफोरनि आरो सारिफोरनि सोमोन्दै मा बुंनो हायो?



गेजेर खोन्दोनि अनजिमाफोरखौ गुबुन गुबुन रोखोमै दाजाबदेरनाय जायो जाहाथे साखाथिफोराव अनजिमाफोरखौ मोननो हायो (1500 + 1500 + 400 = 3400). गेजेरनि अनजिमाफोरखौ हास्थायनाय दाजाब-दानख' मोननो थाखाय जेसेबां नांगौ एसेबां खेब बाहायनो हायो । हास्थायनाय दाजाब-दानख'खौ मोननो थाखाय गेजेरनिफ्राय फारनैथिंजायनि अनजिमासिम तीर बो ।

मोननै बिदिन्धि होनाय जादों । बेखौ गोसोआरि मह्रै खालामनाया गोरलैसिन !

$$38,800 = 25,000 + 400 \times 2 + 13,000$$

$$3400 = 1500 + 1500 + 400$$



☀ जों गेजेरनि अनजिमाफोरखौ बाहायनानै 1,000 बानायनो हागोन नामा? मानो हाया? 14,000, 15,000 आरो 16,000 नि सोमोन्दै मा? नंगौ, बेयो जाथावना। माबोरै नायबिजिर। मा रोजा रोजा बानायनो हाया नामा?

दाजाबदेरनाय आरो दानख'नाय

बेवहाय, बक्साव थानाय अनजिमाफोरखौ बाहायनानै, जों नांगौ अनजिमाखौ मोननो थाखाय दाजाबदेरनाय आरो दानख'नाय मोनैखौबो बाहायनो गनायथि होयो। मोनसे बिदिन्धि दिन्धिनाय जादों।

40,000	7,000	$39,800 = 40,000 - 800 + 300 + 300$
300	1,500	$45,000 =$
12,000	800	$5,900 =$
		$17,500 =$
		$21,400 =$

अनजिमा आरो बाहायनाफोर

गुबुन मोनसे 5-अनजिमानि अनजिमा मोननो थाखाय मोननै 5-अनजिमानि अनजिमा दाजाबदेरनायनि मोनसे बिदिन्धिया जादों $12,350 + 24,545 = 36,895$ ।

गुबुन मोनसे 5-अनजिमानि अनजिमा मोननो थाखाय मोननै 5-अनजिमानि अनजिमाफोरखौ दानख'नायनि मोनसे बिदिन्धिया जादों $48,952 - 24,547 = 24,405$ ।

☀ बेखौ दिह्न

- जेब्लानो हायो गाहायाव होनाय मोनफ्रोमबो नुथायफोरनि थाखाय मोनसे बिदिन्धि लिर।

5-अनजिमा + 5-अनजिमा 90,250 नि बांसिन 5-अनजिमा होनो	5-अनजिमा + 3-अनजिमा 6 अनजिमा होनो थाखाय	मोन 4-अनजिमा + 4-अनजिमा 6 अनजिमानि दाजाबथाइ होनो	5-अनजिमा + 5-अनजिमा 6 अनजिमानि दाजाबथाइ होनो	18,500 होनो थाखाय 5-अनजिमा + 5-अनजिमा
5-अनजिमा - 5-अनजिमा 56,503 नि खम फारागथि होनो थाखाय	5-अनजिमा - 3-अनजिमा 4 अनजिमानि फारागथि होनो	5-अनजिमा 4-अनजिमानि फारागथि होनो थाखाय - 4-अनजिमा	5-अनजिमा मोनसे 3-अनजिमानि फारागथि होनो थाखाय 5-अनजिमा	5-अनजिमा - 5-अनजिमा होनो थाखाय 91,500

नों गासैबो जाथायफोरनि थाखाय बिदिन्धि मोन्नो हागोन नामा ? जुदि हायाब्ला, मा जाहोन जानो हागौ बेखौ साननानै सावराय । बेबादि गुबुन सोंलुफोर खालाम आरो गावनि थाखोनि फरायसाफोरजों फेर फाथि ।



2. जेब्लाबो, माब्लाबा-माब्लाबा, माब्लाबाबो नडा ?

गाहायाव माखासे बिबुंधिफोर होनाय जाबाय । सान, नायबिजिर आरो दिहुन दि मोनफ्रोमबो बिबुंधिया 'जेब्लाबो सैथो', 'माब्लाबा-माब्लाबा सैथो' एबा 'माब्लाबाबो सैथो' नडा । नों मानो बेबादि सानो ? नोंनि जुक्तिखौ लिर आरो बेखौ थाखोजों सावराय ।

क. 5-अनजिमानि अनजिमा + 5-अनजिमानि अनजिमाया मोनसे 5-अनजिमानि अनजिमा होयो ।

ख. 4-अनजिमानि अनजिमा + 2-अनजिमानि अनजिमाया मोनसे 4-अनजिमानि अनजिमा होयो ।

ग. 4-अनजिमानि अनजिमा + 2-अनजिमानि अनजिमाया मोनसे 6 अनजिमानि अनजिमा होयो ।



घ. 5-अनजिमानि अनजिमा - 5-अनजिमानि अनजिमाया मोनसे 5 अनजिमानि अनजिमा होयो

ङ. 5-अनजिमानि अनजिमा - 2-अनजिमानि अनजिमाया मोनसे 3-अनजिमा अनजिमा होयो ।

3.9 अनजिमा महरफोरजों गेलेनाय




बेयाव माखासे महरफोराव साजायनाय माखासे अनजिमाफोर दं । गाहायाव होनाय मोनफ्रोम अनजिमायाव अनजिमानि दाजाबनायखौ नागिर । जों बेफोरखौ मोनसेनि उनाव मोनसे दाजाबदेरनांगोन एबा जों मोनसे लामाजों गोखै बाहायनो हागोन ?

☀ बेफोर सोंलुफोरखौ सुझानो थाखाय नोंसोर साफ्रोमबो बाहायनाय गुबुन गुबुन आदबफोरखौ थाखोआव फोसाव आरो सावराय ।



ग.

32	32	32	32	32	32	32	32
32	32	32	32	32	32	32	32
32	32	32	32	32	32	32	32
32	32	32	32	32	32	32	32
64	64	64					64
64	64	64					64
64	64	64					64
64	64	64					64



3.10 मोनसे सुसांजायै गोमोथाव बाश्रा - रुजुना सान्ना लानाय !

गाहायाव होनाय फारिफोरखौ नाय- गासैबो फारिफोराव रोखोमसे आदबखौ बाहायनाय जायो:

क. 12, 6, 3, 10, 5, 16, 8, 4, 2, 1

ख. 17, 52, 26, 13, 40, 20, 10, 5, 16, 8, 4, 2, 1

ग. 21, 64, 32, 16, 8, 4, 2, 1

घ. 22, 11, 34, 17, 52, 26, 13, 40, 20, 10, 5, 16, 8, 4, 2, 1

नों नुदों नामा बेफोर फारिफोरा माबोरै जोनोम जादोंमोन ?

नेमखान्थिआ जादों: सासेया जायखिजाया अनजिमाजों जागायजेनो; जुदि अनजिमाया जराब्ला, बेनि खावसे बाहागोखौ ला; जुदि अनजिमाया बेज'राब्ला, बेखौ 3 जों सानजाब आरो 1 दाजाबदेरबाव ।

गोसो ह्योदि गोजौनि गासैबो मोनब्रै फारिफोरा जोबनायाव अनजिमा 1 सिम सौहैबाय । 1937 मायथाइयाव, जार्मान सानखान्थिगिरि, ल'थार क'लाट्जआ हमदांदोंमोन दि बे फारिआ जागोन । जेब्लाबो नों जागायजेन्नाय गासै अनजिमाखौ नायालासे 1 सिम सौहै । दिनैसिमबो - गोबां सानखान्थिगिरिफोरा बेनि सायाव खामानि मावदोंब्लाबो - बेयो मोनसे सुस्रांजायै जेंना जानानै दं दि कलाट्जनि अनुमान खालामनाया सैथो ना नडा ! क'लाट्जनि हमनानै लानाया सानखान्थियाव बयनिखुइबो मुंदांखासिन सुस्रांजायै जेंनाफोरनि गेजेराव मोनसे ।

☀ गोजौनि बायदि माखासे आरोबाव क'लाट्ज फारिफोर बानाय, जाय नोंनि मोजां मोनसिन्नाय आबुं अनजिमाफोरजों जागायजेनो । नों जेब्लाबो 1 सिम सौहैयो नामा ?

नों क'लाट्जनि हमदांना लानायखौ फोथायो नामा दि बेबादि गासैबो फारिफोरा जोबनायाव 1 सिम सौहैगोन ? मानो एबा मानो जाया ?

3.11 गोरलै सान्नानै लानाय

समाव, जों जिनिस्फोरनि थि साननायखौ मिन्थिया एबा गोनांथि जायाबो जानो हागौ आरो आखायाव थानाय थांखिनि थाखाय मोनसे हमदांनानै लानाया थोजासे जायो । बिदिन्थि बायदियै, नोंनि फरायसालिनि गाहाय फोरोंगिरिया नोंनि फरायसालियाव मुं थिसननाय फरायसाफोरनि नंगुबै अनजिमाखौ मिन्थिनो हागौ, नाथाय नों मोनसे सान्नानै लानाया अनजिमाखौल' मिन्थिनो हागौ । नोंनि फरायसालियाव साबेसे फरायसाफोर दं ? 150 सो ? 400 ? से रोजा ?

पारमितानि थाखो खोन्दोआव सा 32 गथ'फोर दं । बिथांजोनि थाखोनि गुबुन 2 खोन्दोआव 29 आरो 35 गथ'फोर दं । बेनिखायनो, बिथांजोआ गावनि थाखोआव गथ'फोरनि अनजिमाखौ 100 सो जागोन होनना सान्नानै खालामदोंमोन । थाखो 6 जों लोगोसे, बिथांजोनि फरायसालियाव थाखो 7-10 बो दं आरो मोनफ्रोमबो थाखोआव मोन 3 खोन्दो दं । बिथांजोआ मोनफ्रोमबो थाखोआव रोखोमसे अनजिमा लादोंमोन आरो गावनि फरायसालियाव फरायसाफोरनि अनजिमाखौ 500 सो जागोन होनना हमदांनानै लामदोंमोन ।

☀ बेखौ दिहन

जों माखासे गोरलै हिसाबफोर खालामना नायगोन । बेयो मोनसे रंजाथाव खामानि, आरो नों जोंनि सोरगिदिं थानाय गुबुन गुबुन अनजिमाफोरखौ मिन्थिना रंजाथाव मोननो हागौ । गोसोआव लाखि, जों गाहायाव होनाय सौलुफोरनि नंगुबै अनजिमाफोराव गोसो गैया । नोंनि हिसाब खालामना नायनाय आदबफोरखौ

थाखोजों फोरमायज्जाय ।

1. नों थाबायनो लानाय आगानफोर:
 - क. नों जिरायनाय जायगानिफ्राय थाखो खथानि दरजासिम ।
 - ख. जागायजेन्नायनिफ्राय जोबनायसिम फरायसालिनि फोथार गेजेराव ।
 - ग. नोंनि थाखो खथानि दरजानिफ्राय फरायसालिनि दरखंसिम ।
 - घ. नोंनि फरायसालिनिफ्राय नोंनि न'सिम ।
2. नों नोंनि मेगनखौ मेगन फिदिंनायनि अनजिमा एबा नों लानाय हानि अनजिमा:
 - क. से मिनिटाव
 - ख. से घन्टानि गेजेराव
 - ग. सानसेआव
3. नोंनि सोरगिदिं थानाय माखासे बेसादफोरनि मुं हो जायफोर :
 - क. माखासे रोजा अनजिमायाव
 - ख. जि रोजानि बांसिन अनजिमाआव

☀ फिन्नायखौ हिसाब खालामनाय

30 सेकेन्डनि गेजेराव मोन्दांनो नाजा । नोंनि लोगोफोरजों नोंनि मोन्दांनायखौ नायफाम ।

1. नोंनि सानखान्धिनि फराबिजाबाव सोदोबफोरनि अनजिमा:
 - क. 5000 नि बांसिन
 - ख. 5000 नि बाडायसिन ।
2. गोबां फरायसाफोरनि अनजिमा नोंनि फरायसालियाव जाय बासजों फरायसालिसिम दावबायो:
 - क. 200 नि बांसिन
 - ख. 200 नि खमसिन ।
3. रसानआ सा 5 सुबुंनि थाखाय फिथाइनि गलायनाय बानायनो थाखाय गायखेर आरो थाइ 3 रोखोमनि फिथाइ बायनो लुबैयो । बियो बेसेनखौ 100 रां जागोन होनना सान्ना लादों । नों बिजों गनायो नामा ? मानो एबा मानो जाया ?
4. गान्धीनगर (गुजरातआव) निफ्राय कहिमा (नागालेन्डआव) नि गेजेरनि जानथायखौ जखा खालामना नाय ।
बोसोन: बेफोर नोगोरमा जागाफोरखौ नागिरनो थाखाय भारतनि सावगारिखौ नाय ।

5. सितालआ थाखो 6 आव फरायगासिनो दं आरो बुडो दि बियो दिनैसिम फरायसालियाव 13,000 घन्टासो सम हगारबाय । नों बिजों गनायो नामा ? मानो एबा मानो जाया ?
6. सिगाडाव, सुबुंफोरा गोलाव जानथाय थाबायलाडोमोन मानोना बिसोरहा दावबायनायनि गुबुन राहा गैयामोन । हमना ला नों नोंनि सरासनस्रा गोख्रैथिजों थाबायो । फ्राय समान जानो नों बेनिफ्राय थांनो बेसे गोबाव लागोन:
 - क. नोंनि आधिखालनि जायगाया साखाथियाव नोंनि मोजां मोनसिननाय जायगाफोरनि गेजेराव मोनसे ।
 - ख. नोंनि आधिखालनि जायगाया जायखिजाया नसुंसेनि रायजोनि राजथावनि ।
 - ग. भारतनि खोलासिन बिन्दोआ भारतनि साहार्थिनि बिन्दोसिम ।
7. माखासे हमदांना लानाय सौलुफोर खालाम आरो नोंनि थाखोनि फरायसाफोरजों जुजि ।

3.12 गेलेमु आरो देरहानाय मावखान्थिफोर

अनजिमाफोरखौ गेलेमु गेलेनो आरो देरहानाय मावखान्थिफोर जौगाहोनोबो बाहायनो हायो ।

बेयाव 21 मुंनि मोनसे मुंदांखा गेलेमु दं । बेखौ सासे थाखोनि लोगोजों गेले । बेनि उनाव बेखौ गावनि नख'रजों न'आव नाजा !

☀ गेलेमुनि थाखाय नेमखान्थिफोर #1: गिबि गेलेगिरिया 1, 2 एबा 3 बुडो । बिनि उनाव सानै गेलेगिरिफोरा सिगांनि अनजिमायाव 1, 2 एबा 3 फारि दाजाबदेरनानै लायो । 21 सिम सौहैनो हानाय गिबिसिन गेलेगिरिया देरहायो !

बे गेलेमुखौ गावनि थाखोनि लोगोजों गोबां खेब गेले । नों देरहानाय मावखान्थिखौ नायनो हमबाय नामा ?

सोर गेलेगिरिया जेब्लाबो देरहानो हायो जुदि बिसोरो थार गेलेयोब्ला ? देरहानाय गेलेगिरिया मा अनजिमानि महरखौ बुंनंगौ ?

बे गेलेमुनि गोबां बायदि रोखोम सोलायनायफोर दं । बेवहाय गुबुन मोनसे सरासनस्रा सोलायथि दडः

☀ गेलेमुनि थाखाय नेमखान्थिफोर #2: गिबि गेलेगिरिया 1 आरो 10 नि गेजेराव मोनसे अनजिमा बुडो । बिनि उनाव सानै गेलेगिरिफोरा फारि-फारि सिगांनि अनजिमायाव 1 आरो 10 नि गेजेराव मोनसे अनजिमा दाजाबदेरना लायो । 99 सिम सौहैनो हानाय गिबिसिन गेलेगिरिया देरहायो !

बे गेलेमुखौ गावनि थाखोनि लोगोजों गोबां खेब गेले । नाय दि नों बे जाथायाव सोमोन्दो गोनां देरहानाय 8.

सोलायखान्धिखौ दिहुननो हायो ना हाया ! सोर

गेलेगिरिया जेब्लाबो देरहानो हायो ? बे खेबाव देरहानाय गेलेगिरिया मा अनजिमा बुंनंगौ ?

बे गेलेनायनि गावनि बायदि सोलायनायखौ थि खालाम - थि खालाम दि मोनफ्रोम फारियाव बेसेबां दाजाबदेरनो हायो आरो देरहानायनि अनजिमाया मा । बेनि उनाव नॉनि गेलेनायखौ गोबां खेब गेले, आरो देरहानायनि आदबखौ थि खालाम आरो बबे गेलेगिरिया जेब्लाबो देरहानो हायो !



बेखौ दिहुन

1. बे ग्रिडाव मोनसेल' समायना खथा (बिनि नसुंसेनि अनजिमानिफ्राय बांसिन) दं । जुदि नॉ मोनसे अनजिमानि मोननै अनजिमाखौ सोलाय-सोल' खालामोब्ला, मोन 4 समायना खथाफोर थागोन । बबे अनजिमाखौ सोलायनांगौ बेखौ थि खालाम ।

16,200	39,344	29,765
23,609	62,871	45,306
19,381	50,319	38,408

बेखौ
नाजा

- काप्रेखार सोलायनाय गैयैसिम सौहैनो नॉनि जोनोमनि बोसोरा बेसेबां रिफिखनो ?
- जॉ 35,000 आरो 75,000 नि गेजेराव मोन 5 अनजिमा अनजिमाफोरनि हान्जा, जाय जॉनि गासैबो अनजिमाफोरा बेजरा । जॉनि हान्जायाव बयनिखुइ बांसिन अनजिमाया बबे ? जॉनि हान्जायाव बयनिखुइबो फिसासिन अनजिमाया बबे ? जॉनि गेजेराव सोर 50,000 नि खाथिसिन ?
- सप्तानि जोबनाय, फोरबोफोर आरो जिरायनाय सानफोरखौ लाफानानै बोसोरसेआव मोननाय जिरायनाय सानफोरनि अनजिमाखौ हिसाब खालाम । बिनि उनाव, मोनसे थि अनजिमा मोननो नाजा आरो नाय नॉनि हिसाब खालामनाया बेसेबां खाथियाव ।
- गंसे मग, गंसे बाल्थिं आरो मोनसे खर सायाव टेंकिआ लाखिनो हानाय लिटारनि अनजिमाखौ जखा खालाम ।
- मोनसे 5 अनजिमानि अनजिमा आरो मोननै 3-अनजिमानि अनजिमा लिर जाहाथे बेफोरनि दाजाबथाइया 18,670 जायो ।
- 210 आरो 390 नि गेजेरनि मोनसे अनजिमा सायख' । बाहागो 3.9 आव दिन्थिनाय रोखोमसे मोनसे अनजिमा महर सोरजि जाय बे अनजिमाखौ दाजाबदेरगोन ।
- आयदा 1, फारिलाइ 1 निफ्राय 2 नि गोहोफोरनि फारिखौ गोसोखां । बे फारियाव गासैबो जागायजेन्नाय अनजिमानि थाखाय रुजुना मोन्दांनाया मानो सैथो ?

9. अनजिमा 100 जागायजेन्नायनि थाखाय रुजुना मोन्दांनाय खालामनाया दंना गैया नायग्रोम ।
10. 0 जों जागायजेन्नानै, गेलेगिरिफोरा 1 आरो 3 नि गेजेराव अनजिमा दाजाबदेरनानै सोलायो । 22 सिम सौहैनो हानाय गिबिसिन सुबुडा देरहायो । दा देरहानायनि सोलोआ मा ?

सुंद' फोरमायथि

- अनजिमाफोरखौ गोबां गुबुन-गुबुन थांखिफोरनि थाखाय बाहायनो हायो, जेरै फोरमायथि फोरमायनो, महरफोरखौ बानायनो आरो नागिरनो, बिबांखौ हिसाब खालामनो, सोमजि' होनो आरो सुसांनो आरो गेलेमु गेलेनो आरो देरहानो थाखाय ।
- बेफोर थांखिफोरनि थाखाय अनजिमाफोरखौ बाहायनो थाखाय थि खालामनाय आदबफोरनि बादै साननाय आरो सुजुनाया मोनसे गोनां रोंग'थि आरो गोहो (जायखौ 'साननायनि साननाय' बुंनाय जायो) ।
- अनजिमानि बागै गोबां जेंनाफोरा सोमजिनाय खालामनो जोबोद गोरलै जानो हागौ, नाथाय सुसांनो जोबोद गोब्राब । मोखथाडाव, बेबादि गोबां जेंनाफोरा दासिमबो सुसांजायाखै (बिदिन्थि महरै, रुजुना मोन्दांना खालामनाय) ।